

S4C

Cystadleuaeth Côr Cymru 2011

Mae S4C yn falch i gyhoeddi Côr Cymru 2011 – cystadleuaeth gyda gwobr gyntaf o **£5,000**. Mae gan Gymru draddodiad hir a llewyrchus o ganu corawl, a nod y gystadleuaeth yw cynnal a chodi'r safonau hynny.

Trefnir y gystadleuaeth gan gwmni Rondo Media a bydd y rowndiau cyn-derfynol a'r rownd derfynol yn cael eu recordio gan Rondo i'w darlledu ar S4C ac S4C Clirlun.

Mae pump categori yn y gystadleuaeth:

Corau Plant 16 oed ac o dan
Corau Ieuentid o dan 25 oed
Corau Cymysg
Corau Merched
Corau Meibion

Bydd pob côr sy'n cyrraedd y rowndiau cyn-derfynol yn derbyn gwobr o £500 a bydd enillwyr y categoriau uchod yn derbyn gwobr o £1,500, ac yn cystadlu yn erbyn ei gilydd am y teitl Côr Cymru 2011 a'r brif wobwr o £5,000.

Cynhelir y rowndiau cyn-derfynol ar benwythnos Mawrth 4ydd – 6ed 2011, a'r rownd derfynol ar Sul, Ebrill 10ed 2011. Canolfan y Celfyddydau Aberystwyth fydd y lleoliad, ac fe fydd cynulleidfa'n bresennol ar bob achlysur.

Gwahoddir ceisiadau oddi wrth gorau o Gymru a chorau o'r tu hwnt i Glawdd Offa sydd â chysylltiad agos â Chymru neu sy'n perfformio'n gyson yn yr iaith Gymraeg.

Rhaid bod lleiafswm o 20 aelod ym mhob Côr. Yn y categori Corau Ieuentid, rhaid i bob aelod o'r côr fod o dan 25 oed ar ddiwrnod rownd derfynol y gystadleuaeth, sef Ebrill 10ed 2011. Yn y categori Corau Plant, rhaid i bob aelod o'r côr fod yn 16 oed neu o dan 16 oed ar Awst 31ain 2011.

Dyddiad cau derbyn ceisiadau: Hydref 8ed 2010.
O gymryd i ystyriaeth dyddiadau tymor y Colegau, derbynir ceisiadau oddi wrth gorau ieuentid hyd at Hydref 26ain 2010.

1. Gwrandawiadau:

Fe fydd pob côr yn cael eu recordio (sain yn unig) gan beiriannydd sain proffesiynol yn eu cynefin ym mis Tachwedd 2010. Dylai'r corau ieuenctid, cymysg, merched a meibion baratoi rhaglen amrywiol o gerddoriaeth rhwng 12-15 munud. Dylai'r corau plant baratoi rhaglen amrywiol o gerddoriaeth rhwng 10-12 munud. Rhaid cynnwys o leiaf un darn di-gyfeiliant. Ni chaniateir golygu'r perfformiad, a chaiff pob côr gopi CD o'u perfformiad.

Bwriedir recordio yn yr ardaloedd canlynol fel a ganlyn:

Sul	07.11.10	Caerdydd
Sadwrn	13.11.10	Caerdydd
Nos Iau	18.11.10	Aberystwyth
Nos Wener	19.11.10	Bangor
Sadwrn	20.11.10	Bangor
Sul	21.11.10	Wrecsam/Dyffryn Clwyd/Yr Wyddgrug
Nos Lun	22.11.10	Aberhonddu
Nos Fercher	24.11.10	Hwlfordd
Nos Iau	25.11.10	Caerfyrddin
Nos Wener	26.11.10	Llanelli
Sadwrn	27.11.10	Castell Newydd Emlyn

Gwrandewir ar y recordiadau gan banel o feirniaid rhyngwladol, ac fe fydd y corau'n cael eu hadnabod fesul rhif, ac nid enw. Y gobaith yw hysbusu pob côr o ganlyniad eu gwrandawriad erbyn diwedd Rhagfyr 2010, pan y gwahoddir hyd at bedwar côr ym mhob categori i fynd ymlaen i'r rownd gyn-derfynol. Bydd barn y panel beirniaid yn derfynol.

2. Rowndiau cyn-derfynol:

Gofynnir i'r corau ieuenctid, cymysg, merched a meibion berfformio rhaglen o 15 munud o gerddoriaeth. Gofynnir i'r corau plant ganu rhaglen o 12 munud o gerddoriaeth. Dylid canu o leiaf un darn yn yr iaith Gymraeg, ac ni chaniateir mwy nag un darn yn yr iaith Saesneg. Bydd côr buddugol pob categori yn cael ei ddewis i fynd ymlaen i'r rownd derfynol. Panel o feirniaid rhyngwladol a fydd yn dewis y corau hynny a bydd barn y panel yn derfynol.

Gofynnir i'r corau gyflwyno rhaglen y **rownd gyn-derfynol a'r rownd derfynol** ar bapur neu trwy ebost erbyn Ionawr 28ain 2011 fan bellaf. Gofynnir hefyd am gopiau o'r gerddoriaeth, gyda manylion am unawdwyr, niferoedd, trefn sefyll a chyfeiliant erbyn Ionawr 28ain 2011. Ni chaniateir newid y rhaglen ar ôl y dyddiad yma oni bai bod problem yn codi gyda chlirio hawlfraint darlledu darn arbennig. Mae gan S4C yr hawl i ofyn i gôr newid y rhaglen os oes problem yn codi gyda hawlfraint darlledu. Mae gan S4C yr hawl i wrthod corau i gystadlu os nad ydynt yn cydymffurfio gyda'r amodau.

Os ydych yn defnyddio cyfieithiad sydd heb ei gyhoeddi, mae angen caniatad ar bapur wrth y cyhoeddwy'r os gwelwch yn dda.

3. Rownd derfynol:

Gofynnir i'r corau ieuenctid, cymysg, merched a meibion berfformio rhaglen o 15 munud o gerddoriaeth. Dylid canu o leiaf un darn yn yr iaith Gymraeg, ac ni chaniateir mwy nag un darn yn yr iaith Saesneg. Gyda'r corau ieuenctid, cymysg, merched a meibion, rhaid i raglen y rownd derfynol fod yn wahanol i'r rownd gyn-derfynol, ond caniateir canu un darn o raglen y rownd gyn-derfynol yn y rownd derfynol, os dymuna'r côr wneud hynny. Caniateir i'r corau plant ganu hyd at ddau ddarn o raglen y rownd gyn-derfynol os dymuna'r côr wneud hynny. Panel o feirniaid rhyngwladol a fydd yn dewis Côr Cymru 2011. Bydd barn y panel yn derfynol.

I'r corau sydd drwodd i'r rownd derfynol fydd wedi cyflwyno ei rhaglen erbyn Ionawr 28ain, caniateir **mân newidiadau o ran trefn ac ati** hyd at Mawrth 14eg 2011. Ni chaniateir newid y rhaglen ar ôl y dyddiad yma oni bai bod problem yn codi gyda chlirio hawlfraint darlledu darn arbennig. Mae gan S4C yr hawl i ofyn i gôr newid y rhaglen os oes problem yn codi gyda hawlfraint darlledu. Mae gan S4C yr hawl i wrthod corau i gystadlu os nad ydynt yn cydymffurfio gyda'r amodau.

Trwy gydol y gystadleuaeth, caniateir defnyddio hyd at 3 cerddor fel cyfeiliant i'r eitemau. Cyfrifoldeb y côr yw trefnu'r cerddorion a thalu unrhyw ffioedd sy'n ddyledus trwy ddarlledu.

Cyflwynir gwobr arbennig i'r arweinydd gorau yn y gystadleuaeth.

Am fwy o fanylion, cysyllter â:
Swyddfa Côr Cymru 2011
Rondo Media
60 Severn Grove
Caerdydd
CF11 9EP

Ffôn: 029 2022 3456
Cost galwad arferol, gall y gost fod yn uwch drwy ffôn symudol

Ffacs: 029 2037 7746
E-bost: corcymru@rondomedia.co.uk

Gweler amodau llawn y gystadleuaeth ar www.s4c.co.uk/corcymru ac ar www.rondomedia.co.uk